

ხელშეკრულება შესყიდვის შესახებ N461

(შესყიდვის ელექტრონული პროცედურა N GEO190000482, საქართველოს მთავრობის 2019 წლის 6 ივნისის N266 დადგენილებით დამტკიცებული შპს „მთის კურორტების განვითარების კომპანიის“ მიერ საქონლისა და მომსახურების შესყიდვების სპეციალური წესის მე-5 მუხლის 1-ლი პუნქტის საფუძველზე)

წინამდებარე ხელშეკრულება დაიდო 2019 წლის 9 ოქტომბერს ქ. თბილისში

ერთი მხრივ, შპს „მთის კურორტების განვითარების კომპანია“, შემდგომში „შემსყიდველი“, წარმოდგენილი დირექტორის თეიმურაზ გამცემლიძის სახით და მეორე მხრივ, შპს „ჯი-თი გრუპ“, შემდგომში „მიმწოდებელი“, წარმოდგენილი გენერალური დირექტორის ლევან გოგსაძის სახით, ვდებთ ხელშეკრულებას მოქმედი კანონმდებლობის მიხედვით, შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ფასების ცხრილი“ - დანართი N1, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.8. „საქონლის ტექნიკური მახასიათებლები“ - დანართი N2, მოსაწოდებელი საქონლის ზუსტი მახასიათებლები, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.9. „საგარანტიო პირობები“ - დანართი N3, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. „შემსყიდველი“ უკვეთავს ხოლო „მიმწოდებელი“ იღებს ვალდებულებას, სპეციალიზირებული თოვლსატკეპნი ტექნიკის მიწოდებაზე, ფასების ცხრილისა (დანართი N1) და საქონლის ტექნიკური მახასიათებლების (დანართი N2) შესაბამისად.
- 2.2. CPV- 43500000

3. ხელშეკრულების ღირებულება

- 3.1 ხელშეკრულების ღირებულება შეადგენს 971 000.00 (ცხრაას სამოცდათერთმეტი ათასი ლარი და ნული თეთრი) ლარს.
- 3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს შესყიდვის ობიექტის მიწოდებასთან და შემსყიდველის საკუთრებაში გადაცემასთან, ხოლო სატენდერო დოკუმენტაციის შესაბამისად 2500 სამუშაო საათის განმავლობაში გეგმიურ ტექნიკურ მომსახურებებთან დაკავშირებით ხელშეკრულება გაფორმდება ცალკე შპს „ჯი-თი გრუპთან“.

4. მხარეთა უფლება-მოვალეობები

- 4.1. მიმწოდებელი ვალდებულია:
 - 4.1.1. უზრუნველყოს შემსყიდველისთვის ერთი ერთეული სპეციალიზირებული თოვლსატკეპნი ტექნიკის მიწოდება, ფასების ცხრილისა (დანართი N1) და საქონლის ტექნიკური

მახასიათებლების (დანართი N2) შესაბამისად.

- 4.1.2. შემსყიდველს მიაწოდოს განზაფხულებული თოვლსატკეპნი ტექნიკა.
- 4.1.3. აანაზღაუროს მისაწოდებელი თოვლსატკეპნი ტექნიკის შემსყიდველისათვის გადაფორმების მიზნით შესაბამის ორგანოებში რეგისტრაციის ხარჯი.
- 4.1.4. ჰყავდეს ავტორიზებული მობილური სერვის ჯგუფი, რომელიც საჭიროების შემთხვევაში, არაუმეტეს 2 კალენდარულ დღეში ადგილზე (დაბა ბაკურიანში) მოახდენს ტექნიკის შემოწმებას და საჭიროების შემთხვევაში გაუწევს ტექნიკურ მომსახურებას.
- 4.1.5. საგარანტიო პერიოდის განმავლობაში, იმ შემთხვევაში თუ ტექნიკური მომსახურების გაწევის მიზნით საჭირო გახდა ტექნიკის ტრანსპორტირება ნებისმიერ სერვის ცენტრში, აანაზღაუროს ტექნიკის გადაზიდვის ხარჯები (სერვის ცენტრში და უკან, ბაკურიანში).
- 4.1.6. სერვის ცენტრში ტექნიკის ტრანსპორტირების შემთხვევაში, პრობლემის სრულად აღმოფხვრამდე უზრუნველყოს თოვლსატკეპნი ტექნიკის გაჩერება უსაფრთხო პირობებში და ტექნიკის უსაფრთხოებაზე პასუხისმგებლობა აიღოს საკუთარ თავზე.
- 4.1.7. როგორც საგარანტიო, ისე პოსტსაგარანტიო პერიოდის განმავლობაში ნებისმიერი სათანადო ნაწილის შემსყიდველისთვის მიწოდება (თანმხლები მომსახურებით) უზრუნველყოს არაუმეტეს 20 კალენდარულ დღეში. მისაწოდებელი ნაწილის სპეციფიკურობიდან გამომდინარე, შემსყიდველის გადაწყვეტილებით, მასთან შეთანხმებით შესაძლებელია განისაზღვროს, ასეთი გამონაკლისი შემთხვევებისას, განსხვავებული მოწოდების ვადები.
- 4.1.8. უზრუნველყოს მოწოდებულ თოვლსატკეპნ ტექნიკაზე შემსყიდველი ორგანიზაციის ოპერატორების ინფორმირება ტექნიკური პარამეტრების შესახებ.
- 4.2. მიმწოდებელი უფლებამოსილია:
- 4.2.1. მოსთხოვოს შემსყიდველს ხელშეკრულებით ნაკისრი ვალდებულებების შესრულება.
- 4.3. შემსყიდველი ვალდებულია:
- 4.3.1. განახორციელოს წინამდებარე ხელშეკრულებით გათვალისწინებული მოთხოვნების დაცვით მიწოდებული საქონლის ღირებულების ანაზღაურება.
- 4.4. შემსყიდველი უფლებამოსილია:
- 4.4.1. მიმწოდებლისგან მოითხოვოს საქონლის მიწოდება ხელშეკრულებით გათვალისწინებულ დროსა და ადგილას;
- 4.4.2. შეამოწმოს მიწოდებული საქონლის ხარისხი.
- 4.4.3. მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ.

5. ხარისხი და გარანტია

- 5.1. მიმწოდებელი პასუხს აგებს საქონლის ხარისხზე, ხოლო შემსყიდველი უფლებამოსილია ჩაატაროს მიწოდებული საქონლის ხარისხის შემოწმება.
- 5.2. მიწოდებული თოვლსატკეპნი ტექნიკა (მასზე დამონტაჟებული ნებისმიერი მოწყობილობის/მექანიზმის ჩათვლით) იყოს ექსპლუატაციაში არმყოფი.
- 5.3. მიწოდებული თოვლსატკეპნი ტექნიკა არ იყოს გამოშვებული 2019 წელზე ადრე.
- 5.4. ხელშეკრულებით გათვალისწინებულ საქონელზე მოქმედებს გარანტია. საგარანტიო ვადა განსაზღვრულია საგარანტიო პირობებით (დანართი N3).

6. საქონლის მიწოდების ადგილი და ვადა

- 6.1. საქონლის მიწოდების ადგილი: ბაკურიანი, შემსყიდველის მითითებული მისამართი.
- 6.2. ხელშეკრულებით გათვალისწინებული საქონლის მიწოდება უნდა განხორციელდეს ხელშეკრულების ძალაში შესვლის შემდეგ, არაუგვიანეს 2020 წლის 15 იანვრისა.

7. მიღება-ჩაბარების წესი

- 7.1. წინამდებარე ხელშეკრულებით გათვალისწინებული საქონლის მიწოდების დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.
- 7.2. საქონელი ჩაითვლება მიწოდებულად მხოლოდ მხარეებს შორის მიღება-ჩაბარების აქტის გაფორმების შემდეგ.

- 7.3. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება შპს „მთის კურორტების განვითარების კომპანიის“ მატერიალურ-ტექნიკური სამსახურის რეგიონული მიმართულების მენეჯერს ლევან გუნცაძეს.
- 7.4. მიმწოდებელი ვალდებულია შემსყიდველის მხრიდან მოთხოვნილი საქონლის მიწოდების დადასტურების და ანაზღაურების მიღების მიზნით შემსყიდველს წარმოდგინოს შესაბამისი ფინანსური დოკუმენტაცია. ანგარიშსწორების სავალდებულო წინაპირობა მიღება-ჩაბარების აქტთან ერთად არის ანგარიშ-ფაქტურა (არსებობის შემთხვევაში).

8. ხელშეკრულებით ნაკისრი ვალდებულებების შესრულების ინსპექტირება

- 8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შპს „მთის კურორტების განვითარების კომპანიის“ დირექტორის მოადგილე გიორგი მურაჩაშვილი.
- 8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ანგარიშსწორების წესი

- 9.1. მიწოდებული საქონლის ანაზღაურება განხორციელდება მიღება-ჩაბარების აქტის გაფორმებიდან, სასაქონლო ზედნადებისა და საგადასახადო ანგარიშ-ფაქტურის წარმოდგენიდან (ასეთის არსებობის შემთხვევაში) არაუგვიანეს 10 (ათი) სამუშაო დღის ვადაში.
- 9.2. ანგარიშსწორების ვალუტა: ლარი.
- 9.3. ანგარიშსწორების ფორმა: უნაღდო.
- 9.4. მიმწოდებელმა თანხის ავანსის სახით მიღების მიზნით შემსყიდველს უნდა წარუდგინოს შესაბამისი ოდენობის (ხელშეკრულების ჯამური ღირებულების არაუმეტეს 40%-ის) უპირობო და გამოუთხოვადი გარანტია (გარანტიის გამცემი ორგანიზაცია უნდა იყოს საქართველოში რეგისტრირებული ბანკი/სადაზღვევო კომპანია), რომელიც ძალაში უნდა იყოს წინამდებარე ხელშეკრულების თანახმად განსაზღვრული საქონლის სრულად მიწოდებიდან და მიღება-ჩაბარების აქტის ხელმოწერის თარიღიდან დამატებით 30 დღის განმავლობაში. გარანტიაში ბენეფიციარად მითითებულ უნდა იქნას შპს „მთის კურორტების განვითარების კომპანია“.
- 9.5. ხელშეკრულების 9.4. პუნქტში აღნიშნული ავანსის გარანტია ითვალისწინებს ბანკის/სადაზღვევოს უპირობო ვალდებულებას გარანტიის სრული ან მისი ნაწილი თანხის შემსყიდველისათვის პირველივე მოთხოვნისთანავე ანაზღაურებას.
- 9.6. საავანსო გარანტიით გათვალისწინებულ თანხას, შემსყიდველი გადაიხდის უპირობო და გამოუთხოვადი საავანსო გარანტიის წარმოდგენიდან არაუგვიანეს 5 (ხუთი) სამუშაო დღეში.
- 9.7. ავანსად გაცემული თანხის დაკავება მოხდება მიღება-ჩაბარების აქტის გაფორმებისას, მიმწოდებლისთვის ასანაზღაურებელი თანხიდან.
- 9.8. შემსყიდველი უფლებამოსილია გამოიყენოს 9.4. პუნქტში მითითებული ავანსის გარანტია იმ შემთხვევაში, თუ მიმწოდებელი დაარღვევს წინამდებარე ხელშეკრულების პირობას, ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას.

10. ხელშეკრულების შესრულების გარანტია

- 10.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია (გარანტია ხელშეკრულების ღირებულების 10%-ის ოდენობით, გაცემული საქართველოში რეგისტრირებული საბანკო დაწესებულების მიერ) გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.
- 10.2. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია, მისი წერილობითი მოთხოვნის საფუძველზე.
- 10.3. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.
- 10.4. ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს საქონლის მიწოდების ვადას.

11. პასუხისმგებლობა ხელშეკრულების პირობების დარღვევისათვის

- 11.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით;
- 11.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 11.3. მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 5%-ის ოდენობით.
- 11.4. არაჯეროვნად შესრულებას წარმოადგენს უხარისხო საქონლის მიწოდება. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 11.5. პუნქტით განსაზღვრული შემთხვევისა.
- 11.5. მიმწოდებლის მიერ დაგვიანებით შესრულებას წარმოადგენს საქონლის წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.
- 11.6. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს (10 კალენდარული დღე), შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 11.7. მიმწოდებლის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 11.8. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

12. ფორს მაჟორი

- 12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. სადაო საკითხების გადაწყვეტა

- 13.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულებაში ცვლილების შეტანა და ხელშეკრულების შეწყვეტა

- 14.1. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.
- 14.2. ხელშეკრულება შედგენილია ქართულ ენაზე, ელექტრონული ფორმით.
- 14.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით

დადგენილი წესით. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

- 14.4. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
- 14.5. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისგან.
- 14.6. ხელშეკრულების შეწყვეტის გაფორმება ხდება შეთანხმების გზით, მაგრამ შეუთანხმებლობის შემთხვევაში მხარეებს უფლება აქვს გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.
- 14.7. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
- 14.7.1. მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
 - 14.7.2. მიმწოდებლის მიმართ მიმდონარეობს გაკოტრების საქმე (მიუხედავად მისი დაწყების დროისა);
 - 14.7.3. მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულებით ჯეროვან შესრულებაზე;
 - 14.7.4. თუ მისთვის ცნობილი გახდება, რომ მიმწოდებლის მიერ მოწოდებული დოკუმენტები ყალბი აღმოჩნდება;
 - 14.7.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

15. ხელშეკრულების მოქმედების ვადა

- 15.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2020 წლის 31 დეკემბრის ჩათვლით.

16. მხარეთა ხელმოწერები

შემსყიდველის მხრიდან:

შპს „მთის კურორტების განვითარების კომპანია“

მის: ქ. თბილისი, კოსტავას ქ. N70

სს „თიბისი ბანკი“

ბანკის კოდი: TBCBGE22

ა/ნ GE97TB7346636020100001

ს/კოდი 215 096 367

შპს „მთის კურორტების განვითარების კომპანიის“
დირექტორი:

თეიმურაზ გამცემლიძე

მიმწოდებლის მხრიდან:

შპს „ჯი-თი გრუპ“

მის: ქ. თბილისი, აღმაშენებლის ხეივ. N216

სს „საქართველოს ბანკი“

ბანკის კოდი: BAGAGE22

ა/ნ GE43BG0000000122211500

ს/კოდი 200 119 923

შპს „ჯი-თი გრუპ“-ის გენერალური დირექტორი:

ლევან გოგსაძე

ფასების ცხრილი

პრეტენდენტი: შპს „ჯი-თი გრუპ“

1	შესყიდვის ობიექტი	ბრენდი და მოდელი	რაოდენობა (ცალი)	თოვლსატკეპნი ტექნიკის ღირებულება ლარში	გეგმიური მომსახურების ღირებულება ლარში	საერთო ღირებულება ლარში	წარმოშობის ქვეყანა და კომპანია
1	ახალი სპეციალიზირებული თოვლსატკეპნი ტექნიკა თანმდევი გეგმიური მომსახურებებით	მარკა (ბრენდი): Prinoth მოდელი: Bison X	1	971,000.00	40,000.00	1,011,000.00	კანადა, Prinoth AG

გენერალური დირექტორი ლევან გოგსაძე

**ტექნიკური მახასიათებლები
თოვლსატკეპნი ტექნიკა**

№	საქონლის დასახელება	ტექნიკური მახასიათებლები		თოვლის სატკეპნი ტექნიკა სათხილამურო ტრასებისათვის. Prinoth Bison X (მწარმოებელი ქვეყანა-კანადა)
		1	ძირითადი მახასიათებლები	
1	თოვლის სატკეპნი ტექნიკა, სათხილამურო ტრასებისათვის რაოდენობა: 1 ერთეული	1.1	თოვლის სატკეპნი ტექნიკა სათხილამურო ტრასებისათვის. მაღალი გამავლობის, მუხლუხა სვლით, ახალი, ექსპლუატაციაში არ მყოფი, დეფექტების გარეშე, გამოშვების წელი არაუადრეს 2019წ, თოვლსატკეპნი ტექნიკა და დანადგარები უნდა იყოს სრულად დაკომპლექტებული ქარხნული წარმოების სტანდარტული დეტალებით, ტესტირებული და მზად ექსპლუატაციისათვის.	თოვლის სატკეპნი ტექნიკა სათხილამურო ტრასებისათვის. მაღალი გამავლობის, მუხლუხა სვლით, ახალი, ექსპლუატაციაში არ მყოფი, დეფექტების გარეშე, გამოშვების წელი 2019წ, თოვლსატკეპნი ტექნიკა და დანადგარები იქნება სრულად დაკომპლექტებული ქარხნული წარმოების სტანდარტული დეტალებით, ტესტირებული და მზად ექსპლუატაციისათვის.
				
			მოცემული ნახაზი საინფორმაციო სახისაა, ტექნიკური მახასიათებლები მოცემულია ტექსტში.	მოცემული ნახაზი საინფორმაციო სახისაა, ტექნიკური მახასიათებლები მოცემულია ტექსტში.
		1.2	თოვლსატკეპნი ტექნიკის წონა სრული აღჭურვილობით (დანით, უთოთი, ფრეზებით.): არანაკლებ 8000კგ. არაუმეტეს: 13000კგ	თოვლსატკეპნი ტექნიკის წონა სრული აღჭურვილობით (დანით, უთოთი, ფრეზებით.): 12205კგ
		1.2	აღჭურვილი თოვლსატკეპნი ტექნიკის გაბარიტული ზომები: სიგრძე: არანაკლებ 8800მმ, არაუმეტეს 10500მმ. სიგანე: არანაკლებ 5400მმ. არაუმეტეს 6500მმ. სიმაღლე: არანაკლებ 2800მმ. არაუმეტეს 3600მმ.	აღჭურვილი თოვლსატკეპნი ტექნიკის გაბარიტული ზომები: სიგრძე: 8848მმ. სიგანე: 6200მმ. სიმაღლე: 3554მმ
		2	ძრავის ტექნიკური მახასიათებლები	
		2.1	დიზელი, წყლის გაგრილებით, ტურბოდაბერვით, პერის წინასწარი გაგრილებით (ინტერქულერით).	დიზელი, წყლის გაგრილებით, ტურბოდაბერვით, პერის წინასწარი გაგრილებით (ინტერქულერით).
		2.2	მოცულობა არანაკლებ 8.5 ლიტრი არაუმეტეს 9.5 ლიტრი	9.3 ლ
		2.3	სიმძლავრე არანაკლებ 400 ცხ.ძ. არაუმეტეს 450ცხ.ძ.	406 ცხ.ძ.
		2.4	ემისიის ტიპი: არანაკლებ თიერ 4	Tier 4
		2.5	ცილინდრების რაოდენობა არანაკლებ 6	6 ცილინდრი
		3	ტრანსმისიის ტექნიკური მახასიათებლები	
		3.1	პიდრავლიკური ტრანსმისია, მოძრაობა პიდრავლიკური რევლუტორებით.	პიდრავლიკური ტრანსმისია, მოძრაობა პიდრავლიკური რევლუტორებით.
		3.2	თოვლსატკეპნი ტექნიკა აღჭურვილი უნდა იყოს მუხლუხა სვლით. კომბინირებული მუხლუხებით, დაჭიმულობის პიდრავლიკური რევლუტორებით.	თოვლსატკეპნი ტექნიკის აღჭურვილი იქნება მუხლუხა სვლით. კომბინირებული ფოლადისა და რეზინის მუხლუხებით, დაჭიმულობის პიდრავლიკური რევლუტორებით.
		4	თოვლის პარკებისა და ატრაციების მოწყობისათვის საჭირო აღჭურვილობა.	
		4.1	სპეციალური დანების (ფრეზების) კომპლექტი პარკის მოსაწყოებად.	სპეციალური დანების (ფრეზების) კომპლექტი პარკის მოსაწყოებად მოყვება
		4.2	მანძილმზომი, ინკლინომეტრი.	მანძილმზომი, ინკლინომეტრი მოყვება
		5	ელექტრონული აღჭურვილობა	
		5.1	ელექტროსისტემა: 24ვ, სტარტერი 24ვ.	ელექტროსისტემა: 24ვ, სტარტერი 24ვ.
		5.2	მართვა ჯოისტიკებით ან/და სამართავი საჭით	მართვა ჯოისტიკებით
		5.3	ბორტკომპიუტერი თხევადკრისტალური დისკლით, სისტემის თვითდიაგნოსტიკის ფუნქციით, ძრავის წინასწარი გათბობის სისტემა, უკანა ხედვის კამერა, პალეონური და ღრუ განათების სისტემა, წინა და უკანა მინების ელექტრო გათბობა, , სარკების ელექტრო გათბობა და მართვა.	ბორტკომპიუტერი თხევადკრისტალური დისკლით, სისტემის თვითდიაგნოსტიკის ფუნქციით, ძრავის წინასწარი გათბობის სისტემა, უკანა ხედვის კამერა, პალეონური და ღრუ განათების სისტემა, წინა და უკანა მინების ელექტრო გათბობა, , სარკების ელექტრო გათბობა და მართვა.
		6	კაბინის ტექნიკური მახასიათებლები	
		6.1	კაბინის გადახრის ელექტრო-პიდრავლიკური კონტროლი	კაბინის გადახრის ელექტრო-პიდრავლიკური კონტროლი
		6.2	მგზავრთა ადგილების რაოდენობა არანაკლებ 2 ადგილის. (ოპერატორის ჩათვლით). ოპერატორის სკამი პრემატური ან ელექტრო რეგულირებით	მგზავრთა ადგილების რაოდენობა-2 (ოპერატორის ჩათვლით). სკამი პრემატური რეგულირებით.
		6.3	საღონის გათბობა.	საღონის გათბობა.
		6.4	ცენტრალური საკეტი.	ცენტრალური საკეტი.
		6.5	ფერი-ყვითელი FFF200	ფერი-ყვითელი FFF200
		6.6	კაბინის ორივე მხარეს კართან უნდა იყოს დატანილი 2023 წლის მსოფლიო ჩემპიონატის ლოგო. ტექნიკაზე დასატანი ლოგოს სამუშაო ფაილბს შემსყიდველი ხელშეკრულების გაფორმებისთანავე გადასცემს მომწოდებელს. ლოგო უნდა იყოს ნაცრისფერი #5D5E5E .	კაბინის ორივე მხარეს კართან იქნება დატანილი 2023 წლის მსოფლიო ჩემპიონატის ლოგო. ლოგო იქნება ნაცრისფერი #5D5E5E .
		7	სატვირთო პლატფორმა.	
		7.1	ტვირთამწოვობა არანაკლებ: 1000კგ, არაუმეტეს,1500კგ	1000 კგ
		8	დამატებითი აღჭურვილობა	
		8.1	ყვითელი საგანგებო ციმციმბა .არანაკლებ 2ც.	ყვითელი საგანგებო ციმციმბა 2ც.
		8.2	განათება დამის სამუშაოებისათვის. (წინ, უკან, გვერდებზე).	განათება დამის სამუშაოებისათვის. (წინ, უკან, გვერდებზე).
		8.3	გამოყენების სახელმძღვანელო, რუსულ ან ინგლისურ ენაზე.	მოყვება
		8.4	პირველადი სამედიცინო დახმარების აფთიაქი.	მოყვება
		8.5	ცეცხლმაქრი	მოყვება
		8.6	ტექნიკური მომსახურებისათვის საჭირო ქანთვალეების ნაკრები.	მოყვება
			მისაწოდებული თოვლსატკეპნი ტექნიკაზე საგარანტიო პერიოდი	2 წელი ან 2500 საათი, რომელიც პირველი შესრულებდა.

ინფორმაცია

მოსაწოდებელი საქონლის საგარანტიო მომსახურების ვადებისა და პირობების შესახებ

სწორი ექსპლუატაციის პირობებში ტექნიკის საგარანტიო ვადა შეადგენს მიღება-ჩაბარების აქტის გაფორმებიდან 2 (წელს) ან 2500 საათს, რომელიც პირველი შესრულდება. თუ საგარანტიო პერიოდის განმავლობაში საქონლის ექსპლუატაციისას გამოვლინდება დეფექტი ან/და ნაკლი, ვიღებთ ვალდებულებას შემსყიდველის შეტყობინებიდან (მეილზე მათ შორის, ოფიციალურ ფოსტაზე: d.tikaradze@gtgroup.ge; g.dzadzua@gtgroup.ge; ელექტრონული ფორმით) არაუმეტეს 20 კალენდარულ დღეში, სათანადო ნაწილის შემსყიდველისთვის მიწოდება (თანმხლები მომსახურებით). მოსაწოდებელი ნაწილის სპეციფიკურიდან გამომდინარე გამონაკლისი შემთხვევებისას, შემსყიდველის გადაწყვეტილებით და მასთან შეთანხმებით შესაძლებელია განისაზღვროს განსხვავებული მოწოდების ვადები.

გარანტიის შენარჩუნების მიზნით მყიდველი ვალდებულია:

- დაიცვას "რეგლამენტი", "ინსტრუქცია საგარანტიო პირობების და ვადების შესახებ" და ექსპლუატაციის სახელმძღვანელო (ინგლისურ, ქართულ ან რუსულ ენაზე) დადგენილი ექსპლუატაციის წესები (აღნიშნული დოკუმენტები მყიდველს გადაეცემა ტექნიკასთან ერთად). გამყიდველი უფლებამოსილია ვადაზე ადრე შეწყვიტოს გარანტია ტექნიკაზე საგარანტიო პერიოდში მყიდველის მიერ აღნიშნული ინსტრუქციის და "რეგლამენტი"-ს მოთხოვნათა დარღვევის შემთხვევაში.

საგარანტიო პერიოდის განმავლობაში ნებისმიერი სახის "რეგლამენტი" განსაზღვრული მომსახურება გაიაროს და ნებისმიერი სათანადო ნაწილი შეიძინოს მხოლოდ „ჯი თი გრუპ“-ის მომსახურების ცენტრში მის : ქ.თბილისი, დავით აღმაშენებლის ხეივ. #216 და/ან „ჯი-თი გრუპ“-ის მივლინებული სპეციალისტების მეშვეობით.

ასევე შემსყიდველის გადაწყვეტილებით, წერილობითი შეტყობინებით (მათ შორის, ოფიციალურ ფოსტაზე: d.tikaradze@gtgroup.ge; g.dzadzua@gtgroup.ge; ელექტრონული ფორმით) შესაძლებელია „ჯი-თი გრუპ“-ის მობილური სერვისის გამოძახება, რის შემდგომაც „ჯი-თი გრუპ“-ის სპეციალისტები საჭიროებისამებრ მივლინებულ იქნებიან ადგილზე სპეცტექნიკით აღჭურვილი სერვის-მობილებით, (რომელიც ფასიანია, ყოველი 1 (ერთი) კმ მანძილის (ერთი მიმართულება) ღირებულება შეადგენს 1 (ერთი) ლარსა და 40 (ორმოცი) თეთრს). რომელიც საჭიროების შემთხვევაში, არაუმეტეს 2 კალენდარულ დღეში ადგილზე (დაბა ბაკურიანში) მოახდენს ტექნიკის შემოწმებას და საჭიროების შემთხვევაში გაუწევს ტექნიკურ მომსახურებას. საგარანტიო პერიოდის განმავლობაში, იმ შემთხვევაში თუ ტექნიკური მომსახურების გაწევის მიზნით საჭირო გახდა ტექნიკის ტრანსპორტირება ნებისმიერ სერვის ცენტრში, ტექნიკის გადაზიდვის ხარჯებს (სერვის ცენტრში და უკან, ბაკურიანში) აანაზღაურებს მიმწოდებელი

- მყიდველი ვალდებულია არ მოახდინოს გარბენის მრიცხველის ნებისმიერი მიზეზით გათიშვა ან ცვლილება, ასევე აკრძალულია ქარხნულად დალუქული დეტალების ლუქის მთლიანობის დარღვევა;

გარანტია არ ვრცელდება

- სწრაფცვეთად ნაწილებზე, როგორებიცაა ზეთი და სხვა სითხეები, ღვედები, ფილტრები, სამუხრუჭე ხუნდები, ანთების/გახურების სანთლები და ა.შ.; თვითნებურად დამონტაჟებული ნაწილებზე, რომლებიც მწარმოებლის მიერ არ არის დამონტაჟებული.

ამორტიზატორზე

- იმ სტრუქტურულ და სათანადო ნაწილების დაზიანებებზე, რომლებიც გამოწვეულია სწრაფცვეთადი დეტალების (მაგ: დოლურების, ხუნდის და ა.შ) დროულად გამოუცვლელით;

- სამუხრუჭე დისკებზე; სტაბილიზატორის რეზინებზე; სხვა დეტალების ცვეთაზე, რომელიც შეიცავს რეზინს, კაუჩუკს, პლასმასს.

- გადაბმულობის ამჟოლ და მიმჟოლ რგოლზე (ე.წ. ფრიქციონებზე)

- ელექტრო ნათურებსა და დამცველებზე;

- გენერატორის და კონდიციონერის ღვედებზე; ფრეონზე;

- შუშის საწმენდ ჯაგრისებზე;

- ე.წ ფარსუნკებზე თუ ნაპოვნია წყლის კვალი ან დაზიანება გამოწვეულია უხარისხო საწვავის მოხმარებით.

გარანტია არ ვრცელდება შემდეგ სამუშაოებზე:

- ძრავის რეგულირების კორექტირებასა და ძრავის დიაგნოსტიკებაზე;

- დიაგნოსტიკასთან და სამუხრუჭე სტენდზე შემოწმებასთან დაკავშირებულ სამუშაოებზე, მუხრუჭების რეგულირებაზე;

- კარებების, კოპოტის, საბარგულის სახურავის, ლუქის სახურავის რეგულირებაზე;

- ფარების განათების რეგულირებაზე;

ასევე, გარანტია არ ვრცელდება, თუ დაზიანება გამოწვეულია მექანიკური, გარეშე ფაქტორების ზემოქმედებით, ტექნიკის უხეში და გაუფთხილებელი გამოყენებით, მათ შორის:

- საავტომობილო შემთხვევებით, შეჯახებით, ხანძრით ან აფეთქებით; წყალში ღრმად ტარების შედეგად;

- ქურდობით, ვანდალიზმით ა.შ.

- ტექნიკის, როგორც ელექტრო ენერგიის სტაციონარულ წყაროდ, გამოყენების შედეგად;

- ტექნიკის საქარხნო ელექტრო და მექანიკურ კომპონენტებში ცვლილებების შეტანით;

- მწარმოებლის სტანდარტებთან შეუსაბამო საწვავის, ზეთების, გამაგრილებელი, სამუხრუჭე, ჰიდრავლიკის და სხვა სითხეების გამოყენების შედეგად და ა.შ.

- ტექნიკის მწარმოებლის მიერ დადგენილი ზღვრული ტვირთამწეობის გადამეტებით გამოწვეულ დაზიანებებზე.

საგარანტიო მომსახურება ტექნიკაზე ხორციელდება საგარანტიო მომსახურების ხელშეკრულების საფუძველზე, რომელიც ფორმდება მხარეებს შორის და რომლითაც ზუსტად და დეტალურად განისაზღვრება საგარანტიო მომსახურების პირობები.

აღნიშნული დანართი დაერთვის ხელშეკრულებას და წარმოადგენს მის განუყოფელ ნაწილს და მისი პირობების დარღვევა წარმოადგენს საქარხნო გარანტიის ვადაზე ადრე გაუქმების წინაპირობას.

გენერალური დირექტორი

ლევან გოგსაძე